



Broj: 08-01-03/2-11-2-2079-13/25

Dana: 22.10.2025. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 8/23), u vezi sa članom 69. stav (2) tačka d) i članom 70. st. (1), (4) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o poništenju postupka nabavke „Sukcesivna nabavka auto guma“

Član 1.

Poništava se postupak nabavke „Sukcesivna nabavka auto guma“ iz razloga što nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja i objavit će se na web-stranici ugovornog organa (www.mupzdk.gov.ba).

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-2079/25 od 09.09.2025. godine i Obavještenja o nabavci broj: 488-1-1-44-3-67/25 od 16.09.2025. godine, proveden je otvoreni postupak „Sukcesivna nabavka auto guma. Procijenjena vrijednost nabavke, na dvogodišnjem nivou je iznosila 17.094,00 KM bez uključenog PDV-a.

Sažetak obavještenja o nabavci broj: 488-1-1-44-3-67/25 objavljen je dana 26.09.2025. godine u "Službenom glasniku BiH", broj: 56. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-2079-1/25 od 17.09.2025. godine. Komisija za javnu nabavku sačinila je Zapisnik o prijemu ponuda u postupku javne nabavke broj: 08-01-03/2-11-2-2079-8/25 od 07.10.2025. godine, Zapisnik sa otvaranja ponuda broj: 08-01-03/2-11-2-2079-9/25 od 07.10.2025. godine, te konstatovala da se u roku ostavljenom za dostavljanje ponuda 5 (pet) ponuđača prijavilo na predmetno javno nadmetanje i to ponuđači: "R.P.M. Glob Trade d.o.o. Ljubuški", "UNITRADE" d.o.o. Ljubuški, "EURO DAM-JAS" d.o.o. Lukavac, "GUMA VP 200" d.o.o. Mostar i "MIRADO" d.o.o. Tuzla.

U toku pregleda i ocjene ponude ponuđača R.P.M. Glob Trade d.o.o. Ljubuški i provjere računske ispravnosti Komisija je izvršila ispravku greške kako slijedi: - U obrascu za cijenu ponude-robe u zbirnoj rubrici na kraju Aneksa II: "Ukupna cijena u KM sa popustom bez PDV-a" umjesto iznosa 17.056,00 KM upisan je iznos 11.520,00 KM, a imajući u vidu da se sabiranjem ponuđenih pojedinačnih stavki u ponudi dobije iznos od 11.520,00 KM, a ne kako je stajalo 17.056,00 KM. Iste ispravke su izvršene i u Obrascu za dostavljanje ponude (Aneks I sa izjavom ponuđača) pod 3. gdje je u rubrikama "cijena naše ponude (bez PDV) je" i "cijena naše ponude sa uključenim popustom je" umjesto iznosa 17.056,00 KM upisano 11.520,00 KM, zatim u rubrici "PDV na cijenu ponude (sa uračunatim popustom)" umjesto iznosa 2.899,52 KM upisan iznos 1.958,40 KM, te u rubrici "ukupna cijena za ugovor je" umjesto iznosa 19.955,52 KM upisan iznos 13.478,40 KM.

O navedenoj ispravci ponuđač R.P.M. Glob Trade d.o.o. Ljubuški je obaviješten aktom ugovornog organa broj: 08-01-03/2-11-2-2079-10/25 od 07. 10. 2025. godine koji mu je dostavljen putem e-maila dana 07. 10. 2025. godine, da bi ponuđač dana 09. 10. 2025. godine putem e-maila dostavio svoj akt od 09. 10. 2025. godine

koji sadrži saglasnost da prihvata ispravku računске greške i da je ukupna vrijednost ponude bez PDV-a 11.520,00 KM.

Komisija je sačinila Zapisnik o pregledu i ocjeni ponuda broj: 08-01-03/2-11-2-2079-12/25 od 20.10.2025 godine, te utvrdila da sve dostavljene ponude nisu prihvatljive obzirom da ponuđene robe ne ispunjavaju zahtjeve kako slijedi:

Ponudač "R.P.M. Glob Trade d.o.o. Ljubuški"- za stavke 4. i 5. iz obrasca za cijenu ponude – Aneks II prema dostavljenoj fotografiji/naljepnici ponuđene auto gume su sa oznakom simbola kategorije brzine "V" i "W", dok je prema opisu iz tenderske dokumentacije zahtijevana oznaka "H".

Ponudač "Unitrade d.o.o. Ljubuški"- za stavke 4. i 5. iz obrasca za cijenu ponude – Aneks II prema dostavljenoj fotografiji/naljepnici ponuđene auto gume su sa oznakom simbola kategorije brzine "V 240 km/h" i "W 270 km/h", dok je prema opisu iz tenderske dokumentacije zahtijevana oznaka "H".

Ponudač "EURO DAM-JAS" d.o.o. Lukavac- za stavku 4. iz obrasca za cijenu ponude – Aneks II prema dostavljenoj fotografiji/naljepnici ponuđena auto guma je sa oznakom simbola kategorije brzine "V", dok je prema opisu iz tenderske dokumentacije zahtijevana oznaka "H", te za stavku 5. nije u cjelosti postupio prema tački 24. tenderske dokumentacije, odnosno za stavku 5. iz obrasca za cijenu ponude – Aneks II (vanjska guma 225/45 R 19 H Ljetne) nije dostavio traženu fotografiju iz koje bi bilo vidljivo da roba odgovara traženom opisu predmeta nabavke i tehničkih specifikacija.

Ponudač "GUMA VP 200 d.o.o. Mostar": Za stavke 4. i 5. iz obrasca za cijenu ponude – Aneks II prema dostavljenoj fotografiji/naljepnici ponuđene auto gume su sa oznakom simbola kategorije brzine "V 240 km/h" i "W 270 km/h", dok je prema opisu iz tenderske dokumentacije zahtijevana oznaka "H", te je takođe za stavku 5. kod ponuđene gume "vrijednost vanjske buke kotrljanja 69 dB" a zahtijevana buka prema opisu iz tenderske dokumentacije je 70 dB .

Ponudač "MIRADO d.o.o. Tuzla": Za stavke 4. i 5. iz obrasca za cijenu ponude – Aneks II prema dostavljenoj fotografiji/naljepnici ponuđene auto gume su sa oznakom simbola kategorije brzine "V 240 km/h" i "W 270 km/h", dok je prema opisu iz tenderske dokumentacije zahtijevana oznaka "H".

Cijeneći naprijed navedeno, primjenom člana 69. stav (2) tačka d) Zakona o javnim nabavkama BiH, odlučeno je kao u dispozitivu.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju postupka nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.



DOSTAVLJENO:

1. Sektor za podršku, 1x.-
2. Spis, 1x.-